

Peqqissutsimut Naalakkersuisoqarfik

pn@nanoq.gl

cc: lich@nanoq.gl og eaca@nanoq.gl

Kalaallisuummut nutsigaq: Peqqissutsimut Naalakkersuisoqarfik

Ukiuni arlalinni ilisimatusarnikkut paasisat tunngavigalugit imigassaq aalakoornartortalik pillugu politikkimut inassuteqaatit pillugit tusarniaanermut akissuteqaat

Nalinginnaasumik oqaaseqaatit

Ukiuni arlalinni ilisimatusarnikkut paasisat tunngavigalugit imigassaq aalakoornartortalik pillugu politikkimut inassuteqaatit pillugit tusarniaanermut akissuteqarnissamut periarfissamut Kommuneqarfik Sermersooq qujassuteqarpoq.

Inunnut ataasiakkaanut inuiaqatigiinnullu imigassap aalakoornartortallip innarliutaasumik sunniutai annikinnerulersinniarlugit inuiaqatigiit peqqissusaasa ukkatarineqarnerat, Kommuneqarfik Sermersuup pitsaasutut isumaqarfigaa.

Kommuneqarfik Sermersoorli inassuteqaatinut oqaaseqaatiliroq. Ilisimatusarnikkut paasisat tunngavigalugit imigassaq pillugu politikkip sunniutissai kissaatigineqartut anguniarlugit, suliassa qarfiit akimorlugit oqaloqatigiillunilu suleqatigiinnissamik piumasagaateqartoq kommuni isumaqarpoq, kommunip misilittaga qarfiisa atornissaat aamma maanna najukkani aaqquissuusaanerit pioreersut ilanngullugit.

Innersuussutitut ataasiakkaanut oqaaseqaatit

Inassuteqaat 2: Kommunini tamani sassaalliisinnanermut akuersissummik uppersaateqarnissamik atuutilersitsineq

Inassutigineqartumi innuttaasut peqqissusaannik sammiveqartumik imigassamik aalakoornartortalimmik nioqquteqarsinnaanermut akuersissutit qinnuteqaatit suliarineqarnerannut ilanngunneqarnissamik siunnersuuteqarneq, Kommuneqarfik Sermersuup pitsaasutut nalilerpaa. Kommunilli sukumiinerusumik

tunuliaqutaasut aamma pilersitsinissamut siunertarineqartoq kiisalu akuersissuteqartartut aalajangiisartut katitigaanerannut siunnersuutigineqartut nassuiarneqarnissamik kissaateqarpoq.

Akuersissuteqartarnermut aalajangiisartunik pilersitsinerup aalajangiisarneq pisariaqanngitsumik pisariunerulersissagaa aamma sivilisunerusumik suliamik suliarinninnermik kinguneqartitsissasoq, Kommuneqarfik Sermersooq isumaqarpoq. Inuiaqatigiit peqqissusaannut sammiveqartitsineq maanna suleriutsip aamma inatsisit iluanni sinaakkutinut ilanngunneqassasoq, kommunip taarsiullugu inassutigaa. Kommunip ilaatigut kommunimi inunnik isumaginnittoqarfik aamma pinaveersaartitsinermik suliassa qarfik kiisalu



Suliffeqarfimmi
Kiffartuussineq
Koncernservice

Kuussuaq 2
Postboks 1005
3900 Nuuk Kalaallit
Nunaat **kommuneq
arfik**
@sermersooq.gl
sermersooq.gl

Oqarasuaat (+299) 36 70
00
sermersooq.gl

Ataasinng. - pinga.....nal.
10 - 15
Sisamanng.....nal. 12 -
17
Tallimannorgoneq...
..... kl. 10 - 12

GLN: 5790002421983
Bankkonto x
PBS-kreditor nr. x

Kalaallit Nunaanni Politiit tusarniaanermut peqataatittarpai, taakkulu naliliinerit
ilaasarpog, kommunalbestyrelsillu aalajangiineranut tunngaviliisarlutik.
Akuersissuteqartarnermut aalajangiisartut suliaasat maanna
aaqqissuussaanaermut pioreersumut ilanngunneqarsinnaapput, ass.
pinaveersaartitsinerimut ataatsimiititaliamut imaluunniit najukkami
siunnersuisoqatigiinni.

Inassuteqaammut tunngavilersuummi akuersissutit maanna periuseq atorlugu
qaqutigut akuersissutaateqartunik arsaarinnittoqartarneranik nassuiaasoqartoq,
Kommuneqarfik Sermersuup maluginiarpaa.

Ulluinnarni periuseq: Akuersissutininik tunniussisarneq aamma arsaarinnittarneq inatsit maanna atuuttoq malillugu pisartoq, kommunip naqissuserpaa. Akuersissummik arsaarinninneq, akuersissutaateqartup piumasaqaatit naammassinngippagit imaluunniit imigassaq pillugu inatsimmi aalajangersakkat unioqqutinneqaraangata pisarpoq. Aalajangiinerit tamakku ilaatigut tusarniaanermut peqataasut aamma nakkutilliisutut oqartussaasut oqaaseqaataannik tunngavilerneqartarput.

Akuersissuteqartarnermut aalajangiisartut katitigaanerannik siunnersuutigineqartut tunuliaqutaannik erseqqissaasoqarnissaanik Kommuneqarfik Sermersooq kissaateqarpoq. Pingaartumik pisiniarfiuteqarfinnit aamma akunnittarfinnik neriniartarfiutilinnillu ilaasortat peqataatinneqarnerat eqqarsaatigalugu kiisalu takornariartitsisartut, aamma suliffeqarfiit aalajangiisartut aalajangiinerannut qanoq sunniuteqartarnissaannut tunngatillugu. Aalajangiisartut aalajangiineri piviusorsiuunngitsumik tunuliaquteqartumik aalajangiiffigineqaratarsinnaanerata aamma unammilleqatigiinnermik pututitsisoqarnissaa, kommunip ernumassutigaa.

Inassuteqaat 3: Imigassamik aalakoornartortalimmik tuniniaaneranut aamma sassaalliinermut piffissat killilerneqarlik

Imigassamik tuniniaanerup aamma sassaalliinerup killilerneqarnissaa pitsaasumik nalilerneqarpoq, meeqqanut sinaakkutininik toqqissisimasunik aamma ilaqutariit ataatsimoornerannut pilersitsisinnaammata. Taamaattorli amerlasuunik pisiniartarnerit atornerluisut atuinerannut annertunerulersitsisinnaasut, qanoq pinngitsoortinneqartassanersut misissorneqarnissaat inassutigineqarpoq. Tamatuma peqatigisaanik imigassat aalakoornartortallit mianersoqqussutininik nalunaarsorneqartarnissaasa sunniutissaat (qupp. 26) apeqquserneqarpoq, tupat puunit misilittakkat assigiinngitsunik inerneqarnerannik takutitsimmata.

Inassuteqaat 9: Ilaqutariinnut tamanut ilaqutariinnik tapersersuineq - pingaartumik meeqqap ulluini siullerni 1000-ni aamma Inassuteqaat 10: Misissuineq, sivikitsumik akuliuffiginninneq aamma katsorsarneqarnissamik innersuussineq

Katsorsarneqarsinnaaneq aamma ilaqutariit tapersersorneqarsinnaanerata pingaaruteqarluinnarpoq, kisianni isumalluutininik aamma tamakkiisumik iliuuseqartarnissaq pisariaqartitsisoqarpoq. Ineriartortitsinermut, Peqqinnermik siuarsaanermut Pitsaaliuinerummullu immikkoortortaqaqarfiup 2024-mi imigassaq pillugu isumasioqatigiissitsinerata suliniummik assingusumik pisariaqartitsisoqarneranik erseqqissaavoq, katsorsaneq, inuttut ineriartorneq aamma nakkaqqinnissaq pinaveersaartinniarlugu malitseqartitsineq ilaapput. Pinngitsuuisinnaanngitsut amerlasuut "nammineertussatut qimanneqartarlutik" misigisarput, taamaattumillu neqeroorut katsorsaanermik atornerluinerminnit aniguinerisa kingorna ikiorsiisussamik ilaqartariaqarpoq. Piukkunnaateqartumik tapersersuineq qulakkeerniarlugu sulisut ataavartumik pikkorissartinneqartarnissaat aamma inassutigineqarpoq, aammalu pinngitsuuisinnaajunnaarnerit assigiinngitsut, kingunerlutsitsineq pissutigalugu imminut nakorsaasersornerit ilanngullugit iliuuseqarfigineqassasut.

Inassuteqaat 13: Meeqqanut aamma inuusuttunut sammisassaqaartitsisarnerit aamma naapittarfiit imigassamik aalakoornartortalimmik ilaqanngitsut kiisalu Inassuteqaat 14: Meeqqat atuarfiini aamma inuusuttut ilinniarfiini ataatsimoorfiit imigassamik aalakoornartortalimmik ilaqanngitsut



Meeqqanut inuusuttunullu ataatsimoorfiit aamma sammisassaqaqtitsisarnerit imigassartaqanngitsut pilersinneqarnissaat (qupp. 24) pitsaasutut nalilernerqarput, kisianni suliniutit ingerlanneqarnissaannut kajumissutsinik suliaqartunut taarsiullugu sulisunik pisariaqartitsipput. Neqeroorutit taakku pisariaqartitsinerit assigiinngitsut naapinniarlugit allanngorartuusariaqarput. Aammattaaq meeqqat atuarfiini aamma inuusuttut ilinniarfiini ataatsimoorfiit imigassartorfiunngitsut tapersersorneqartariaqarput. Angajoqqaaqatigiit sammisassanik soorlu ataatsimoorluni nereqatigiinnernik aaqqissuisartunik misilittagaqartoqareerpoq. Ukiunullu killigititaasut qaffanneqarnissaat (qupp. 17) unammillernartoqassasoq nalilernerqarpoq, maanna killigititaasoq angajoqqaanit malinneqartanngimmat. Tassani angajoqqaat amerlasuut inuusuttut imigassamik atuinerannut pilersuinikkut tapertaasarput. Angajoqqaat isumaqatigiissuteqarfigineqarnerannik ajornartorsiornep

angajoqqaat akornanni pitsaannerusumik suleqatigiittoqarnissaanut
aalajangersimasunik aaqqiissuteqartoqarnissaanut pisariaqartitsisoqarneranik
takutitsivoq, kisianni aamma atuinnermut tapertaanginnissaannut
eqqummaarinnessamut.

Inassuteqaat 16: Paasisitsiniutinik ineriartortitsineq

Paasititsiniutinik ineriartortitsinissaq pingaaruteqarpoq. Atuartitsinnermut
atortunik ilanngussisoqarnissaa inassutigineqarpoq, kommunit taamaalillutik
pinaveersaartitsinnermik suliaqarnerminni atorsinnaassammatigit. Atugassat
amigaataanerisa suliniutit tamakku atuutilersinneqarnissaannik
ajornakusoortitsisoqartartoq, akuersititsinnermut inatsimmit 2024-meersumit
misilittakkanit takutinneqarpoq.

*Inussiarnersumik
inuulluaqqusillunga*

Marie Fleischer

Kommunimi

pisortamut tullersorti

Kommuneqarfik Sermersooq